

ք. Երևան

Հայկական Օրագրեր Մահմանափակ Պատասխանատվությամբ Ընկերությունն, ի դեմս տնօրեն Գագիկ Սարգսյանի, հետագայում՝ Կատարող, մի կողմից, և Ակադեմիկոս Մ.Ավդալբեկյանի անվան առողջապահության ազգային ինստիտուտ ՓԲԸ, ի դեմս տնօրեն Ա.Բազարյանի, հետագայում՝ Պատվիրատու, մյուս կողմից, վարեցին բանակցություններ և կնքեցին սույն պայմանագիրը հետևյալի մասին՝

1. **Պայմանագրի առարկան**
 - 1.1. Սույն պայմանագրով Կատարողը Պատվիրատուին թույլատրում է օրենքով նախատեսված գույքային իրավունքների գործողության ողջ ժամկետում, իսկ օրենքով թույլատրվող դեպքերում՝ նաև անժամկետ, օգտագործել «ՀՕ-Հաշվապահ 7» համակարգ 4 /չորս/ աշխատատեղի համար համակարգչային ծրագիրը, հետագայում՝ Համակարգ:
 - 1.2. Կատարողը սպասարկում է Պատվիրատուի մոտ տեղադրված Համակարգը, ինչը ներառում է.
 - 1.2.1. Համակարգի շահագործման հետ կապված խորհրդատվություն:
 - 1.2.2. Կատարողի կողմից որոշված պարբերականությամբ Համակարգի թարմացված տարբերակների տրամադրում, որտեղ արտացոլված են հաշվապահական և հարկային հաշվառմանը վերաբերվող լրանշակումները և նոր ֆունկցիոնալ հնարավորությունները:
 - 1.3. Սպասարկման ձևը.
 - 1.3.1. Սպասարկման աշխատանքներն իրականացվում են հեռահաղորդակցության (հեռախոսակապ, ինտերնետ, էլ.փոստ և այլն) միջոցներով:
 - 1.3.2. Համակարգի թարմացված տարբերակները տրամադրվում են Կատարողի կողմից ընտրված եղանակներով:
 2. **Պայմանագրի ժամկետը**
 - 2.1. Պայմանագիրն ուժի մեջ է մտնում Պատվիրատուի և Կատարողի կողմից կնքելու պահից և գործում է մեկ տարի:
 3. **Համակարգի արժեքը և վճարման կարգը**
 - 3.1. Պայմանագրի գինը կազմում է 466,666.67 դրամ, ԱԱՀ 20%՝ 93,333.33 դրամ, ընդամենը՝ 560,000.00 դրամ:
 - 3.2. Պատվիրատուն վճարում է Պայմանագրի գինը Պայմանագիրը կնքելուց հետո 5(հինգ) աշխատանքային օրվա ընթացքում:
 - 3.3. Հետագայում ավելի շատ աշխատատեղերի համար նախատեսված համակարգին անցում կատարելու դեպքում Պատվիրատուն վճարում է համակարգերի անցման օրվա դրությամբ սահմանված արժեքների տարբերությունը:
 4. **Կատարողի պարտավորությունները**
 - 4.1. Օրագրային ապահովման մեջ խափանումների և սխալների հայտնաբերման դեպքերում (բացի տեխնիկական և ծրագրային միջոցների անհամատեղելիության, տեխնիկական միջոցների խափանումների, ծրագրային վիրուսների, աշխատակիցների՝ ծրագրով չնախատեսված գործողությունների պատճառով առաջացած դեպքերի) վերացնել դրանք ապագա տարբերակներում:
 - 4.2. Տրամադրել Պատվիրատուին Համակարգի այն տարբերակները, որոնք լույս են տեսել մինչև Պայմանագրի ավարտը:
 - 4.3. Պայմանագիրը կնքելուց հետո 3 ամսվա ընթացքում Պատվիրատուի երկու աշխատակից կարող են մասնակցել Կատարողի կողմից կազմակերպվող «ՀՕ-Հաշվապահ 7» համակարգի դասընթացին, որի արժեքը ներառված է պայմանագրի 3.1 կետում նշված գումարի մեջ: Կատարողը պարտավորվում է սկսել Համակարգի դասընթացը ոչ ուշ, քան 30(երեսուն) աշխատանքային օրվա ընթացքում՝ Պատվիրատուի աշխատակիցների գրանցման օրվանից սկսած:
 - 4.4. Պայմանագիրը կնքելուց հետո 6 ամսվա ընթացքում Պատվիրատուն կարող է հետ վերադարձնել Համակարգը՝ ետ ստանալով վճարված ամբողջ գումարը: Եթե Պատվիրատուի աշխատակիցները մասնակցել են 4.3 կետում նշված դասընթացին, ապա հետ վերադարձվող գումարը կազմում է 406666.67 դրամ:
 - 4.5. Համակարգի հետ տրամադրվող էլեկտրոնային բանալու օգտագործման երաշխիքային ժամկետը կազմում է 6 ամիս՝ սկսած պայմանագիրը կնքելու օրվանից: Եթե այդ ժամկետի ընթացքում էլեկտրոնային բանալու աշխատանքում հայտնաբերվեն թերություններ, ապա այն Կատարողի կողմից անվճար կփոխանակվի: Տվյալ երաշխիքը չի գործում հետևյալ դեպքերում՝ ա) եթե էլեկտրոնային բանալու վնասվածքը ոչ նպատակային շահագործման հետևանք է, բ) եթե չեն պահպանվել էլեկտրոնային բանալու շահագործման կանոնները և պայմանները, գ) եթե վնասվածքը հետևանք է լարման տատանումների, ջրհեղեղի, հրդեհի, ոչ ճիշտ ջերմային ռեժիմի և այլ նման պատճառների:
 - 4.6. Համակարգի սպասարկումը չի ներառում Պատվիրատուի կողմից խորհրդատվություն հետևյալ հարցերի վերաբերյալ՝
 - հաշվապահական և հարկային հաշվառման վարման մեթոդաբանություն,
 - ուսուցման ընթացքում ստացված տեղեկատվություն,
 - Համակարգի շահագործման հետ չկապված՝ Windows օպերացիոն համակարգի օգտագործում,
 - տեխնիկական միջոցների և համակարգչային ցանցի ոչ նորմալ աշխատանք:
 - 4.7. Կատարողը Համակարգը Պատվիրատուին է հանձնում անժամկետ օգտագործելու իրավունքով:
 - 4.8. Պայմանագրի ավարտից հետո Կատարողը Պատվիրատուի նկատմամբ որևէ պարտավորություն չի կրում:
 5. **Պատվիրատուի պարտավորությունները**
 - 5.1. Կատարողին տեղյակ պահել Համակարգը երրորդ կողմին փոխանցելուց առաջ:
 - 5.2. Պատվիրատուի պարտավորությունն է համարվում Համակարգի պաշտպանական էլեկտրոնային բանալու և տվյալների պահոցի պահպանությունն ու ամբողջականությունը:
 6. **Այլ պայմաններ**
 - 6.1. Սույնով Պատվիրատուն հավաստում է, որ ծանոթացել է Համակարգի տեղադրման համար անհրաժեշտ տեխնիկական պայմաններին և ուսուցման ծրագրին, որոնք արտացոլված են նաև www.armsoft.am կայքում և ստացել է լազերային սկավառակը, որը պարունակում է Համակարգի տեղադրման ծրագիրը, էլեկտրոնային բանալին, համակարգի դասընթացին մասնակցելու կտրոնը:
 - 6.2. Կատարողի պատասխանատվությունը անկախ մեղքի ձևից սահմանափակվում է սույն Պայմանագրի գնի 20(քսան) տոկոսի չափով:
 - 6.3. Սույն պայմանագրի կատարման հետ կապված հարցերը Կողմերը կզգտեն լուծել բանակցությունների միջոցով: Կողմերի միջև համաձայնության չգալու դեպքում, վիճելի հարցերը կարգավորվում են Հայաստանի Հանրապետության օրենսդրությամբ սահմանված կարգով:
 - 6.4. Սույն պայմանագիրը կազմվում է 2(երկու) հավասար իրավաբանական ուժ ունեցող օրինակից՝ յուրաքանչյուր Կողմին մեկական օրինակ:
 7. **Կողմերի հասցեները, բանկային վավերապայմանները և ստորագրությունները**

Հայկական Օրագրեր ՄՊԸ


h/h 2500010002240100
Արմավիսթանկ ՓԲԸ
Էլ.Փոստ՝ support@armsoft.am

ՀՎՀՀ՝ 00807555
Հասցե՝ ք. Երևան, Չարենցի փ. 1
Տնօրեն՝



Ակադեմիկոս Մ.Ավդալբեկյանի անվան առողջապահության
ազգային ինստիտուտ ՓԲԸ
h/h 163058101441
ՀԷԲ Արաբկիրի բաժ.
Հեռ.՝ 23-53-50
Էլ. Փոստ՝
aai.hashvapahutyun@mail.ru

ՀՎՀՀ՝ 00011624
Հասցե՝ Երևան, Գովիտասի պ. 49/42
Տնօրեն՝



Գ.Սարգսյան

Ա.Բազարյան